



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Fasti Mariani Cum Divorvm Elogiis In Singvlos Anni Dies
Distribvtis**

**Brunner, Andreas
Pfeffer, Wilhelm**

Antverpiæ, 1637

S. Ansbertus Episc. 9. Februarii.

urn:nbn:de:hbz:466:1-44055

quis Christo non maledixisset, in virtutis scenam protracta est. Et sanè præclarè personam sustinuit Christianam, quippe cui ore citius omnes, quibus ætas proiecta in eum diem pepercera, dentes, quām Christus, evulsi. Quid agitis manus carnificum? fortē esse APOLLONIAM excussi dentes, & fractæ malæ loquuntur; ad majora tormenta provocate, nihil humile tam alta spondent principia. Ecce robus ingens succenditur, crepant flammæ, furit populus, minantur lictores aut Christum abjice, aut in ignem abjiciere APOLLONIA. Quid hic illa? paululum apud animum suum, quasi consultans, subsistit; mox bulliente jam sanctiore sub præcordiis igne, non morata tortores, generoso ausu ipsa involat in flamas, è flammis ad cælum evolat. I. nunc Scævola fortissime Romuli nepotum: Manus tuæ miraculū robus hujus virginis extinxit. Ex Surio.

Si quis hoc dictum corde frequentaret, O Domine quando te diligam! citius se sentiret experimentaliter inflammari, quām si de secretissimis cœlestibus, & aeterna generatione, vel processione milies cogitaret. S. Bonavent. in Theol. Myst. Q. ult.

S. ANSBERTUS EPISC. 9. Februarii.

Non vidi splendidiorum gemmam Clotarii regia, quām ANSBERTVM adolescentem Superis juxta & hominibus charum. Et verò invidiit iam tum Clotario Ephebum Deus, & in suam traducere aulam laboravit. Sed & huic pulchrius regiā cælū arridebat. Quare sponsam, quam habebat nobilissimā, lubens volens, cùm ita ipsa etiam vellit, Christo cessit; ipse, rarissimo miraculo, monachus in aulā vixit, & his ipsis, quibus perire

alios

alios videoas, ad meliora sancte abusus est. Certe cùm cantus regiam perstreperent, interque modulos dulces dulciores luderent fides, ab his animum ANSBERTVS advertisse ad cælestem musicam perhibetur haud paulò meliorem. Itaque aliis levi pede terram obeuntibus, ipse cælos rectius obibat. Illud credo dices: ergo pietas etiam aulam habitat? Rectè. quòd tamen minus secura hanc habitet, ANSBERTVS deinceps habitare cœnobium instituit, Abbasque, mox Episcopus Rothomagensis, potius inter mendicabula degere. In eum finem Xenodochia complura ædificavit, mensam ipse stravit, convivis suis conviva assedit, codem & disco, & cibo usus. Jam ne dubites virtuti hostem aulam esse, à Pipino in exilium est pulsus, & maluit ille revocatus morte patriam prævenire. In defuncti brachio Crux visa est rubere, ipse etiam, cùm velum injiceretur, oculos aperuisse, ut jam orbis vivum virtutis exemplar etiam in mortuo haberet. Sur. & Mol.

Pias aures Domini ad te flecte; lacrymis & suspiriis pro tuis excessibus illum clementer exora; atque canticis spiritualibus illum glorifica: nihil enim magis supernis civibus spectare libet, nihil regi summo jucundius exhibetur. S.Bern.l.med.c.6.

S. GUILIELMUS CONF. 10. Februarii.

Ngentia scelera GUILIELMVS pari pœnitentiâ plectere instituit. Conjugio fratnæ conjugis Herodi non impar cœnabat unus, quod octonis in cibum sufficiebat. Ad duella non invitabat sed cogebat obvios, neque jam Ducem se Aquitaniæ putabat, nisi factionis quoque quæ contra Innoc. Pont. pugnabat, dux eslet. Mellea verba Bernardus ingesse-